



CONVENIO DE COLABORACIÓN ENTRE A AXENCIA GALEGA DE INFRAESTRUTURAS E O CONCELLO DE ABEGONDO PARA A CONSTRUCCIÓN DUNHA SENDA PEONIL NA ESTRADA AC-542

Santiago de Compostela, 7 de xaneiro de 2019

REUNIDOS

Dunha parte, Ethel M^a Vázquez Mourelle, presidenta da Axencia Galega de Infraestruturas, facultada para a formalización deste convenio polo Decreto 173/2011, do 4 de agosto, polo que se aproba o estatuto da Axencia Galega de Infraestruturas.

Doutra parte, José Antonio Santiso Miramontes, na súa condición de alcalde do Concello de Abegondo, actuando en virtude das facultades representativas que lle atribúe o artigo 21.1 b) da Lei 7/1985, do 2 de abril, reguladora das bases do réxime local.

Ambas as dúas partes recoñécense mutuamente na calidade en que interveñen con capacidade legal, suficiente e necesaria para o outorgamento do presente convenio de colaboración e, a tal efecto.

EXPOÑEN

Primeiro. Na actualidade a estrada AC-542 carece de infraestrutura para o tránsito de peóns entre os núcleos da Picota e Nogueiras, co consecuente perigo e prexuízo para os usuarios, tanto para os peóns como para o tráfico de vehículos.

Proxéctase unha senda peonil en aglomerado asfáltico a mesma cota que a calzada actual de 1,50 m. de ancho na marxe esquerda da estrada AC-542, sentido Mesón do Vento (A Coruña), entre os PK:12+067 e 12+456 (389m. lineais). A obra complétase coa instalación dunha cuneta revestida de formigón armado de 1,25m. de ancho e rede de recollida de augas pluviais con tubaxe de PVC, 315 mm de diámetro, pozos de rexistro construídos con aros de formigón prefabricado e sumidoiros sifónicos. Ademais, inclúese a pre-instalación da iluminación e abastecemento público.

Coa construción dunha senda peonil na marxe esquerda habería un sendeiro seguro para o tráfico peonil neste tramo da estrada AC-542.





O Concello de Abegondo comprométese a poñer a disposición da Administración autonómica os terreos necesarios para poder executar as obras.

Segundo. A Axencia Galega de Infraestruturas ten entre os seus obxectivos a mellora da rede viaria de Galicia, a ordenación do territorio e a súa cohesión, de xeito que se proporcione ás persoas usuarias unha rede eficaz, cómoda e segura, fomentando as relacións municipais e intermunicipais na procura e no fomento dun desenvolvemento harmónico.

Terceiro. O Plan de Mobilidade e Ordenación Viaria Estratéxica, plan MOVE, contempla entre as súas liñas básicas a mellora das condicións de accesibilidade e da mobilidade das persoas.

Cuarto. A Axencia Galega de Infraestruturas, en colaboración co Concello de Abegondo, trata de fomentar aqueles investimentos que resolvan problemas nas infraestruturas, coa finalidade dun desenvolvemento económico e social que aporte unha maior calidade de vida á cidadanía.

As actuacións obxecto deste convenio son complementarias á propia idea básica e intrínseca da estrutura elemental da calzada e da infraestrutura viaria.

Os convenios entre administracións públicas constitúen o elemento adecuado para desenvolver a súa cooperación en cuestións de interese común, tal e como establecen o artigo 57 da Lei 7/1985, do 2 de abril, reguladora das bases de réxime local e o artigo 198 da Lei 5/1997, do 22 de xullo, de administración local de Galicia.

Considerando a confluencia dos intereses das partes comparecentes, faise preciso artellar as bases para a óptima coordinación e así regular a colaboración nas súas actuacións. Para o fin mencionado, formalízase o presente convenio con suxeición ás seguintes

CLÁUSULAS

PRIMEIRA. OBXECTO

O obxecto do presente convenio é establecer as bases da colaboración técnica e económica entre a Xunta de Galicia e o Concello de Abegondo que permitan o desenvolvemento das obras de mellora da seguridade vial consistente na construción dunha senda peonil, rede de pluviais e pre-instalación dunha rede de abastecemento e alumeado público na AC-542 entre os puntos





quilométricos 12+067 e 12+456, que une un tramo dos núcleos de poboación de A Picota e Nogueira.

As obras a executar comprenden as seguintes actuacións:

- Apertura de caixa s/sección tipo.
- Zahorra artificial ZA-40 empregada en afirmado, estendida e compactada.
- Mestura bituminosa en quente tipo D-12 (e=5 cm).
- Cuneta revestida de formigón armado.
- Pozo de rexistro ou de resalto.
- Arqueta sumidoiro sifónico.
- Canalización de tubaxe de PVC SN4 de diámetro 315 mm.
- Canalización eléctrica de PVC duro corrugado de 80 mm para iluminación.
- Acondicionamento de entradas a parcela existentes.
- Conexión de rede de pluviais con aliviadoiros existentes, mesmo acondicionamento dos mesmos.
- Estudo de seguridade e saúde.
- Estudo de xestión de residuos de construción e demolición.

O orzamento necesario para a execución destas obras estímase en **CORENTA E SEIS MIL SEISCENTOS VINTE E SEIS EUROS CON OITENTA E CINCO CÉNTIMOS (46.626,85 €)** IVE engadido. Este orzamento inclúe o orzamento base de licitación e máis o IVE, e o orzamento de reposición de servizos afectados polas obras.

SEGUNDA. COMPROMISOS DO CONCELLO DE ABEGONDO

O Concello de Abegondo obrígase a:

- 1.- Poñer a disposición da Axencia Galega de Infraestructuras, de ser o caso, os terreos necesarios, libres de cargas e gravames e co réxime urbanístico axeitado para a execución das obras a que se refiren as actuacións descritas na cláusula primeira. A posta a disposición quedará formalizada na correspondente acta.
- 2.- Asumir a realización das xestións pertinentes ante os organismos que correspondan, para a obtención dos permisos, licencias e autorizacións regulamentarias, correndo cos custos que se xeren.
3. Aceptar, unha vez realizadas as obras o cambio de titularidade de todo o Dominio Público do treito da senda peonil resultante da execución das obras na estrada AC-542, no tramo comprendido entre os puntos quilométricos 12+067 e 12+456, sen afectar as beiravías nin a





calzada. Para isto, tramitarase previamente expediente de cambio de titularidade consonte co establecido no artigo 9 da Lei 8/2013, do 28 de xuño, de estradas de Galicia e no Decreto 66/2016, do 26 de maio, polo que se aproba o Regulamento xeral de estradas de Galicia.

TERCEIRA. COMPROMISOS DA AXENCIA GALEGA DE INFRAESTRUTURAS (AXI)

A Xunta de Galicia, a través da Axencia Galega de Infraestruturas, asume os seguintes compromisos:

1. Elaborar e aprobar o documento técnico para realizar as obras previstas no presente convenio.
2. Adxudicar, dirixir e financiar as obras, segundo o proxecto. Para isto destinará ata un máximo de CORENTA E SEIS MIS SEISCENTOS VINTE E SEIS EUROS CON OITENTA E CINCO CÉNTIMOS (46.626,85€) con cargo á partida orzamentaria 08.A1 512B 600.1, código de proxecto 2018-00012 dos orzamentos da Axencia Galega de Infraestruturas do ano 2019.

Dado que se trata da tramitación anticipada dun expediente de gasto, de acordo coa normativa recollida na Orde de 11 de febreiro de 1998, modificada pola Orde do 27 de novembro de 2000, e de 25 de outubro de 2001, queda condicionado o gasto que se proxecta, á existencia de crédito axeitado e suficiente no 2019,

CUARTA. SEGUIMIENTO E CONTROL

Para o seguimento, control e avaliación de cantas dúbidas poidan xurdir na aplicación do convenio poderase constituír unha comisión de seguimento, coa participación dun representante da Axencia Galega de Infraestruturas e dun representante do Concello de Abegondo.

A comisión poderase reunir as veces que se estime oportunas para o cumprimento do convenio. En todo caso, a solución das incidencias que poidan xurdir estará condicionada polas limitacións orzamentarias incluídas na cláusula terceira.

As cuestións litixiosas xurdidas da interpretación, desenvolvemento e aplicación do convenio serán resoltas pola Axencia Galega de Infraestruturas, poñendo os seus acordos fin á vía administrativa. Contra estes acordos poderase interpoñer recurso contencioso-administrativo ante o Tribunal Superior de Xustiza de Galicia, de conformidade co disposto na Lei 29/1998, do 13 de xullo, reguladora da xurisdicción contencioso-administrativa.





QUINTA.- NATUREZA DO CONVENIO

Este convenio ten natureza administrativa e regularase polo establecido no presente convenio e, supletoriamente, polos principios da Lei 9/2017, do 8 de novembro, de contratos do sector público, e da Lei 40/2015 do 1 de outubro de Réxime xurídico do sector público.

O desenvolvemento dos compromisos, obrigas e demais actuacións contidas no presente convenio rexeranse polo establecido nas cláusulas do mesmo.

SEXTA.-MODIFICACIÓNS DO CONVENIO

As modificacións formalizaranse mediante *addenda* cos mesmos requisitos e condicións que para a aprobación do convenio, agás aquelas modificacións de carácter técnico aprobadas polo órgano de contratación, de acordo coa normativa de contratos administrativos, que non impliquen a superación do importe máximo reflectido na cláusula primeira do convenio. En todo caso, os compromisos de gasto aprobados pola Axencia Galega de Infraestruturas, recollidos neste convenio, poderán ser reaxustados unilateralmente por parte da Axencia Galega de Infraestruturas, co límite da cantidade máxima prevista na cláusula terceira do convenio e sempre que non aumente o número de anualidades, para acompasalos ao importe de adxudicación e ao ritmo de execución das obras de referencia, ou, en xeral, calquera outra circunstancia que retrase a execución do convenio, sen que este reaxuste necesite da tramitación dunha *addenda* ao convenio.

Calquera outra modificación no contido deste convenio, requirirá acordo unánime entre o Concello de Abegondo e a Axencia Galega de Infraestruturas.

SÉTIMA.- RESOLUCIÓN

As dúbidas que se presenten na súa interpretación, en caso de discrepancias serán resoltas, visto o informe da comisión de seguimento, pola presidenta da Axencia Galega de Infraestruturas, poñendo así fin á vía administrativa.

Serán causas de extinción deste convenio:

- O non cumprimento do seu obxecto,
- A inviabilidade da realización das actuacións descritas neste convenio, por causas non imputables ás partes.
- O incumprimento de carácter total ou parcial de calquera das cláusulas do presente convenio. Entenderase por incumprimento parcial aquel que implica en maior ou menor grao a non consecución dos fins propios do convenio ou impidan de xeito directo ou indirecto as actuacións previstas no presente convenio.





XUNTA DE GALICIA
CONSELLERÍA DE
INFRAESTRUTURAS E MOBILIDADE

Edificio Administrativo de San Caetano
15781 Santiago de Compostela
Tfno.: 981 544 564
Fax.: 981 544 543
infraestructuras.cim@xunta.gal



- Denuncia por causas de interese público, a instancia de calquera das partes.

Cada unha das situacións descritas por si soa é causa suficiente de rescisión do convenio.

OITAVA. - PUBLICIDADE

A sinatura deste convenio suporá o consentimento expreso das partes asinantes para incluír e facer públicos os datos persoais que consten no convenio, e mailo resto de especificacións contidas no mesmo, de conformidade co artigo 15 da Lei 1/2016, do 18 de xaneiro, de transparencia e bo goberno (DOG nº 30 do 15 de febreiro) e o Decreto 126/2006, do 20 de xullo polo que se regula o rexistro de convenios da Xunta de Galicia (DOG nº 149 do 3 de agosto).

NOVENA.- VIXENCIA DO CONVENIO

Este convenio terá vixencia dende a súa sinatura ata o 31 de decembro de 2019.

Así o outorgan no lugar e data do encabezamento, subscribindo o presente convenio por triplicado exemplar.

A presidenta da Axencia Galega de
Infraestructuras

A alcalde do Concello
de Abegondo

Ethel M^a Vázquez Mourelle

José Antonio Santiso Miramontes